



拈丁錢

你敢捫聽著人仔恁兜的門絞口喝：「拈丁錢喔！」毋捫乎？誠濟現代人定著會講：「啥物是拈丁錢？是按怎欲拈丁錢？」

以早我躡佇嘉義水上，做囡仔的時若倚冬節，阮庄裡大廟會有跋爐主佻頭家仔的儀式，阮真愛瀟跼廟門看啥人著爐主。規庄頭遐濟人，跋會著無簡單，因為愛神明允上濟象栢才會當做今年的爐主，當然就像搶著頭香遐奢颯。聽講著爐主的人有兩款心情，有可能是欲出運矣，因為運氣旺的才跋會著；抑是咧欲有災厄，神明允你做爐主是欲化解你的劫數。啊若比爐主較少栢的就是頭家仔，頭家仔有幾若个，愛負責一寡廟裡杳杳滴滴的事工。若倚神明生欲鬧熱進前，頭家仔就會一戶仔一戶去拈丁錢，通做倩戲班來搬戲佻採買拜拜用品的開銷。查埔的算「丁」，嫁出去的查某团算「口」。一口是丁錢的半價，有一寡仔庄頭連牛嘛算一口，啊若厝裡倚喪無清氣相就閤過免丁錢。無人會減報、挨推，嘛無人會哼呻無愛交，一句話幾丁幾口家已算便便，錢隨擣出來。頭家仔佇丁簿記一下就好，免收據。因為有納丁錢的名姓，頭家仔攏會共記寫跼廟埕，報予神明知影。這款傳統社會對神的信仰，也是鄉里文化生活共同體的信任，閤是一種對性命的印記，嘛可能是相信凡事「也著神，也著人」的謙卑。

有一个仔看守所予人關十四冬的人，因為屈打成招予人判死刑。多數的人攏認為「閻王註定三更死，絕不留人過五更」，獨獨個老母躡躡仔等。佇上尾仔一擺開庭，咧等待法官宣判的彼幾分鐘，個阿母講：「這十四冬來，每改鄉里鬧熱，人來拈丁錢，我攏交舍阮团在內七份的丁錢。」想袂到最後竟然宣判無罪釋放。這個平凡的老母用伊條直的想法佻做法來等待後生重生，不安的語氣透濫拉圖仔燒的目屎，予邊仔的每一个人攏受著感動。其實這個背後隱含著：民俗予性命充滿愛的價值，「拈丁錢」是連結性命佻咱踏的這塊土地喘氣的聲音。

作者：林月娥

☆詞彙學習☆

【門絞口】m̄ng-kha-kháu：門口。

【爐主】lôo-tsú：主辦祭祀典禮的人。

【瀟】tshînn：本義指大水洶湧而來，引申作衝擠、撲上的意思。

【象栢】siunn-pue：擲筊時擲出一反一正的筊杯，表示神明應允。

【倩】tshiànn：聘僱、僱用。僱人來幫忙做事。

【挨推】e-the：推拖、推辭、藉故拒絕。

【擣】jîm/lîm：掏。

【拉圖仔燒】la-lun-á-sio：溫溫的。微溫而不熱。